

欽定古今圖書集成

方輿彙編職方典



欽定古今圖書集成方輿彙編職方典

第七百二十三卷目錄

常州府部藝文二 詩

無錫縣歷山集

梁江淹

行經季子廟

陳張正見

送臨津房少府

唐楊炯

秋夜宴臨津鄭明府宅

杜審言

和常州崔使君寒食夜

孫逖

送武進韋明府

錢起

古今圖書集成
送外甥范勉赴任常州長史兼觀省

前人

奉送從兄宰晉陵

韋應物

送李侍郎赴常州

賈至

洞靈觀

皇甫冉

送陸潛夫延陵尋友

前人

送陸鴻漸南山採茶

皇甫曾

仲夏江陰官舍寄裴明府

李嘉祐

自常州還江陰道中作

前人

宴無錫蔡長官西亭

前人

登無錫北樓

郎士元

送韓司直路出延陵

前人

上家山

李紳

和郭鄖寒食

前人

送余臯校書歸陽羨

姚合

贈常州院僧

前人

喜入蘭陵望閣峯呈宣上人

李益

送晉陵王少府赴選

李端

送義興元少府

前人

宿荆溪館呈丘義興

嚴維

題湛長史舊居

丘丹

題常州水西館

張祐

常州畱別

耿漳

送張惟真少府之江陰

李中

癸卯歲毘陵會中貽同老

章碣

毘陵登高

前人

題洞靈觀冬青樹

許渾

泛五雲溪

前人

送江陰霍明府之任

方干

送程師尊之晉陵

羅隱

夜泊毘陵之無錫有寄

前人

芙蓉湖泛舟

宋胡宿

翠麓亭

楊傑

常州

文天祥

送人還毘陵

元陳鈞

七月之集慶次無錫宿元文館

張翥

留題時思精舍

李士行

前題和韻

張雨

前題和韻

倪瓚

與張貞居雲林館燕集分得春字

前人

題元文館

前人

題雲林草堂

前人

又

毘陵行

楊維禎

送人之毘陵

明王儼

宿毘陵驛

吳寬

瀟湖

王子卿

蘭陵秋夕

張和

同晉陵諸子遊水西二首

鄭繼之

舟泊常州

錢紳

芳茂山亭次邵符臺

白悅

同錢紳登黃山閱武

穆煒

暮春遊陽羨南山二首

唐順之

劍井行

前人

古今圖書集成
補植獨孤檜

謝應芳

毘陵道中

黃姬水

晚泊呂城

沈明臣

橫林夜泊行

前人

牛塘谷歌

陳箕

蘭山

項麒

入陽羨

李文

震澤歸舟遇雨

許繩武

過鴈門

係余夫椒祖居

許鼎臣

職方典第七百二十三卷

常州府部藝文二 詩

無錫縣歷山集

梁江淹

愁生白露日思起秋風年竊悲杜蘅暮孽涕弔空山
落葉下楚水別鶴唳吳田嵐氣陰不極日色半窺天
酒至情蕭瑟憑樽還惘然一聞清琴奏歔泣方留連
况乃客子念直置絲竹間

行經季子廟

陳張正見

延陵高讓遠傳芳世事移地絕遺金路松悲懸劍枝

古今圖書集成
野藤侵沸井山雨濕苔碑別有觀風處樂奏無人知
送臨津房少府
唐楊炯

岐路三秋別江津萬里長烟霞駐征蓋絃奏促飛觴
階樹含斜日池風泛早涼贈言未終竟流涕忽沾裳
秋夜宴臨津鄭明府宅
杜審言

行止皆無地招尋獨有君酒中堪累月身外卽浮雲
霜白宵鐘徹風清曉漏聞坐攜餘興往還似未離羣
和常州崔使君寒食夜
孫逖

聞道清明近春庭向夕闌行遊春不厭風物夜宜看

斗柄更初轉梅香暗裏殘無勞秉華燭晴月在南端
送武進韋明府
錢起

理邑想無事鳴琴不下堂井田通楚越津市半漁商
盧橘垂殘雨紅蓮折早霜送君催白首歸路獨思鄉
送外甥范勉赴任常州長史兼覲省
前人

憐君展驥去能解倚門愁就養仍榮祿還鄉卽晝遊
橘花低客舍蓴菜繞歸舟與報垂綸叟知吾世網留
奉送從兄宰晉陵
韋應物

古今圖書集成
東郊春草歇千里夏雲生立馬愁將夕看山獨送行
依微吳苑樹迢遞晉陵城慰此斷行別邑人多頌聲

送李侍郎赴常州

賈至

雪晴雲散北風寒楚水吳山道路難今日送君須盡
醉明朝相憶路漫漫

洞靈觀

皇甫冉

孤烟靈洞遠積雪暮山寒松柏凌高殿莓苔封古壇
客來清夜久仙去白雲殘明月開金籙焚香入木蘭

送陸潛夫延陵尋友

前人

登山自補屐訪友不齋糧坐歇青松晚行吟白日長
人烟隔水見草氣入林香誰作招尋侶清齋宿紫陽

送陸鴻漸南山採茶

皇甫曾

千峰待逋客香茗復叢生採摘知深處烟霞羨獨行
幽期山寺遠野飯石泉清寂寂燃燈夜相思磬一聲

仲夏江陰官舍寄裴明府

李嘉祐

萬室邊江次孤城對海安朝霞晴作雨濕氣晚生寒
苔色侵衣桁潮痕上井欄題詩招茂宰思爾欲辭官

自常州還江陰道中作

前人

古今圖書集成
處處空籬落江村不忍看無人花色慘多雨鳥聲寒
黃霸初臨郡陶潛未罷官乘春務征伐誰肯問凋殘
宴無錫蔡長官西亭
前人

茅檐閒寂寂無事覺人和井近時澆圃城低下見河
興緣芳草積情向遠峰多別日歸吳地停橈更一過
登無錫北樓
郎士元

秋興因危堞歸心過遠山風霜征鴈早江海旅人間
驛樹雲仍密漁舟晚自還仲宣何所賦祇歎在荆蠻
送韓司直路出延陵
前人

遊吳還適越來往任風波復送王孫去其如春草何
岸明殘雪在潮滿夕陽多季子留遺廟停舟試一過

上家山

李紳

余頃居梅里常於惠山肄業舊室猶在垂白重游
追感多思因效吳均體

上家山家山依舊好昔去松桂長今來容鬢老上家
山家山臨古道高低入雲樹蕪沒連天草草色日萋
萋寒螿徧草啼噪鴉投樹遠行雁貼雲飛巖光分落
日僧火開經室竹洞磬聲長松樓鐘韻疾苔階滴溜

古今圖書集成
缺石甃鋪莎密舊徑行處迷前交坐中失歎息整華
冠持盃強自歡笑歌連穉孺絲竹縱吹彈山明淡月
上酒滿心聊放巾髮此淹畱垂絲匪閒曠青山不可
上昔士還惆悵况復白頭人追懷空望望

和郭鄖寒食

前人

江城物候傷心地遠寺經過禁火辰芳草隴邊回首
客野花叢裏斷腸人紫荆繁艷空門晝紅藥新開古
殿春歎息光陰催白髮莫悲風月獨沾巾

送俞鳧校書歸陽羨

姚合

主人庭葉黑詩稿更誰書闕下科名出鄉中賦籍除
山春烟樹衆江晚遠帆疎吾亦家吳者無因到敝廬

贈常州院僧

前人

一住毘陵寺僧應祇信緣院貧人施食窓靜鳥窺禪
古磬聲難盡秋燈色更鮮仍聞開日講湖上少漁船
喜入蘭陵望閣峰呈宣上人

李益

薙草開三徑巢林共一枝地寬畱種竹泉淺欲開池
紫閣當疎牖春松入壞籬從今安僻陋蕭相是吾師
送晉陵王少府赴選

李端

古今圖書集成
相看不忍盡離觴五兩牽風速去檣遠驛新砧應弄
月初程殘角未吹霜越山直下分吳苑淮水橫流入
楚鄉珍重郟家好兄弟明年祿位在何方

送義興元少府

前人

逢君惠連第初命便光輝已得羣公組微妨太傅譏
路長人返顧草盡燕回飛本是江南客還同衣錦歸

宿荆溪館呈丘義興

嚴維

失路荆溪上依人忽暝投長橋今夜月陽羨古時州
野燒明山郭寒更出縣樓先生能館我何事五湖遊

題湛長史舊居

丘丹

無錫縣西郊五里有惠山寺卽宋司徒右長史湛
茂之之別墅也舊名歷山故南平王劉鑠有過湛
長史歷山草堂詩湛有酬和其文野而典特以松
石自怡逍遙沉寂終見止足之意可謂當時高賢
矣至齊竟陵王友江淹亦有繼作余登茲山以觀
二三篇列於石壁仰覽遺韻穆若清風遽訪湛氏冑
裔山下猶有一二十族得十三代孫略觀其譜書
牋墨塵蠹年世雖邈坐壟尚存余披宋史略不見

古今圖書集成
其人心每惻歎悲夫斯人也而史闕書然有其一篇則爲不朽矣因復追緝六韻以次三賢之末時有釋若冰者蹤跡茲山修念之餘鑿嵌注壑灑入諸界無非金碧鉢帽之資悉償工費是以道友邑僚諷翫佳賞嗚呼得非茂之之緣果而陰鷲於上人不然何竭慮之至耶余聖唐山令臣也屏居臨平山墅亦有年矣嘗諷茂之之篇句云衰廢歸丘樊歲寒見松柏不覺禪意超散若在廬霍之間矣異時同歸猶茂之之不忘也嗟乎湛君用刊巖石後

俟後之知我者得不繼之乎貞元六年歲在庚午
檢校尚書戶部員外郎兼侍御史丘丹誌

身退謝名累道存嘉止足設醴降華幡掛冠守空谷
偶尋野外寺仰慕賢者躅不見昔簪裾猶存舊松竹
烟霞雖異世風韻如在矚余卽江海人歸轍青山曲
題常州水西館
張祐

隙地叢筠植修廊列堵環樓臺疎占水岡岸遠成山
盡日草深映無風舟自閒聊當候芳夕一泛芰荷間
常州留別
耿漳

古今圖書集成
萬里南天外求書禹穴間往來成白首旦暮見青山
夜浦涼雲過秋塘好日閒殷勤陽羨桂別此幾時攀
送張惟真少府之江陰
李中

相送烟河畔酒闌登小舟離京梅雨歇到邑早蟬秋
俗必期匡濟詩誰互唱酬晚涼諸吏散海月入虛樓
癸卯歲毘陵會中貽同老
章碣

玉皇恩詔別星班去壓徐方分野間有鳥盡巢垂汴
柳無樓不到隔淮山旌旗漸向行時擁案牘應從到
日閒相憶朝天獨吟咏旋飛新札過秦關

毘陵登高

前人

流落常嗟勝事稀故人相遇菊花時鳳笙龍笛數巡
酒紅樹碧山無限詩塵土十分歸舉子乾坤大半屬
偷兒長楊羽獵須畱本開濟重爲闕下期

題洞靈觀冬青樹

許渾

霜霰不凋色兩株交石壇未秋紅實淺經夏綠陰寒
露重蟬鳴急風多鳥宿難何如西禁柳晴舞玉闌干
泛五雲溪
前人

此溪何處路適問白髯翁佛廟千巖裏人家一島中

古今圖書集成
魚傾荷葉露蟬噪柳林風急瀨鳴車軸微波漾釣筒
石苔縈棹綠山果拂舟紅更就前溪宿村橋與剡通
送江陰霍明府之任
方干

遙遙去舸新侵郭葦兼蘋樹列巢灘鶴鄉多釣浦人
虹分陽羨雨浪隔廣陵春知竟三年袂琴書外是貧
送程師尊之晉陵
羅隱

棟間雲出認行軒郊外陰陰夏木繁高道乍爲張翰
侶使君兼是世龍孫溪含勾曲清連底酒貫餘杭綠
滿樽莫道時危便乘興興來何處不桃源

夜泊毘陵之無錫有寄

前人

草蟲幽咽露初溥獨繫孤舟夜已闌濁浪勢奔吳苑
急疎鐘聲出慧山寒愁催鬢髮凋何易貧戀家鄉別
漸難他日親朋應大笑始知書劍是無端

芙蓉湖泛舟

宋胡宿

小湖香艷戰芙蓉碧葉田田擁釣篷嵐氣欲飛山隔
岸秋波不動木搖空翩翩雪鳥爭投浦撥刺霜鱗對
擲風正是滄浪濯纓日一竿多謝紫溪翁

翠麓亭

楊傑

古今圖書集成
聞說支公最好賢瀛洲可買不論錢樓臺蔽日都無
地草木藏春別有天石上雲翻千峽雨洞中泉落幾
家田高軒誰似幽居樂一坐青山不問年

常州

文天祥

山河千里在烟火一家無壯甚睢陽戰冤哉馬邑屠
蒼天如可問赤子果何辜唇齒提封舊撫膺三嘆吁

送人還毘陵

元陳鈞

久客驚霜鬢還家遂夙心斗城春樹合劍井落花深
賀老能吳語莊生變越吟青山多落景爲我試登臨

七月之集慶次無錫宿元文館

張翥

海月光芒濕川雲意緒閒剛風浮地外元氣滿人間
野榜歌相答漁燈去不還電明知有雨只在九龍山

留題時思精舍

李士行

策馬九峯道行行如山陰勝景不暇接爽氣襲衣襟
悠哉時思菴寫我千古心修竹秉高節流水響清音
日暮下山去疎鐘烟霧深

前題和韻

張雨

重游九龍峯寒食生春陰竹露灑我笠松風吹我襟

古今圖書集成
况逢金閨彥幽探愜素心風泉繞屋壁亂響琴筑音
翻然出谷去回盼烟蘿深

前題和韻

倪瓚

我生勅馳驚無機如漢陰重游古蘭若對山開我襟
風流李謫仙賞靜諧夙心琅然哦新詩如聞大雅音
回首石林晚白雲花雨深

與張貞居雲林館燕集分得春字

前人

青苔網庭除曠然無俗塵依微樵路接曲密農圃鄰
鳴禽已變夏疎花尚駐春坐對盈尊酒欣從心所親

題元文館

前人

真館何沈沈寥廓神明居陽庭肅宏敞月林鬱扶疎
睠言茲游息脫屣榮祿區檐榱初日麗池臺涼雨餘
焚香破幽寂飲食聊舒徐潛心觀道妙諷詠古人書
懷澄心自怡意愜理無遺誰云黃虞遠泊然天地初
回首撫八荒紛攘蚍蜉如願從逍遙遊何許崑崙墟

題雲林草堂

前人

隱几忽不寐竹露下泠泠清燈澹斜月薄帷張寒廳
躁煩息中動希靜無外聆窅然元虛際詎知有身形

又

前人

臨池春流駛掃地夕陽滿正襟味道言迢遙坐溪館
嵐氣當書榻煩襟一舒散靡靡松花黃逐逐雲氣煖
石梁青苔合于焉人跡斷非故與相違冥栖遂忘返

毘陵行

楊維禎

孟冬四將發勾吳彎弓誓落髮髡顛智謀無過史萬
葉嫖姚無加李金吾前茅已作破竹刃三覆乃裹含
沙狙常山長蛇一新尾卽墨怒牯齊犇躡玉蕊孤軍
呼庚癸皂鴉萬甲迷模糊江南長技江北無蒲牢一

吼千鯨呼赤杠卓入鐵甕戶鐵翅橫截丹陽湖擣虛
之策不出此赤手可縛生於菟當時上將陷江都至
今莫贖千金軀後來飛將慎勿疎襄王城頭啼白鳥
如何臨期易將犯兵忌何必不讀孫吳書
易將犯兵忌何必不讀孫吳書

送人之毘陵

明王儼

興盡一杯酒相看欲別時孤帆乘吹發一鴈渡江遲
千古蘭陵令秋風季子祠勝遊多慷慨爲爾寄遐思

宿毘陵驛

吳寬

古今圖書集成
孤舟城下宿城漏滴寒更往事無人問幽懷忽自驚
春星垂野動村火隔江明北鴈無來耗篷窗夢不成

漏湖

王子卿

秋湖開玉鏡遠水帶長虹烟樹千山合松筠一徑通
征帆懸落日鴈字急西風笑殺雲林客翻將入畫中

蘭陵秋夕

張和

碧樹鳴秋葉芳塘斂夕波漏長稀箭刻樓迴逼星河
候鴈迎霜早啼螿傍月多懷人不能寐彈鋏起商歌

同晉陵諸子遊水西二首

鄭繼之

共有烟霞想言過西水潯薜蘿迷遠近魚鳥入高深
花氣含風滿山堂附郭陰宴酣忘主客誰賦越鄉吟

二

喜到晉陵郡行逢諸子招竹林初散帙槐樹已鳴蜩
遶逕馴朱鶴通池接畫橈遙思荷蓀者去作羽山樵

舟泊常州

錢紳

舟到毘陵日已昏維舟柳下宿西門幾家烟火橋邊
市一曲漁歌郭外村遠樹依微寒鳥集古城寥落暮
雲屯相親喜有同袍客吟得新詩可細論

古今圖書集成
芳茂山亭次邵符臺

白悅

萬里罡風拂地寒，低回松壑翠交盤。
龍騰淵井還祠廟，人在高臺獨倚闌。
石榻寂寥雲夢冷，天花零落梵鐘殘。
海東直見扶桑景，望裏橫烟帶玉巒。

同錢紳登黃山閱武

穆煒

黃山兀立大江隈，夏日登臨亦壯哉。
圖島雲移山勢合，海門潮湧雪花開。
尊前賦草堆鸚鵡，水上軍聲起蟄雷。
杯酒尚尋秋夜約，扁舟明月重徘徊。

暮春遊陽羨南山二首

唐順之

洞口石縱橫，流泉復有聲。
柴門何處入，雞犬自相迎。
靈草知昏曉，時禽識雨晴。
非因罷官久，誰得此間行。

二

花落已成蹊，村村綠葉齊。
一園通蝶戲，千嶂隔鶯啼。
澗草多名蕙，山人舊姓嵇。
窮歡猶未返，忽是夕陽西。

劍井行

前人

仙人擲劍不紀年，至今光怪猶未歇。
薄蝕日月騰金晶，青天倒掛雙蜺白。
曾斬妖蛟帶腥氣，寒泉滿甃誰敢汲。
只恐仙人求故物，但看水底飛霹靂。

補植獨孤檜

謝應芳

憶年十五六好古尊前賢初聞獨孤檜快覩曾爭先
蒼然一株枿舊根皴皮錯節枝葉蕃適逢夜雨半身
溼疑是往年甘露痕孔明廟前柏相似乃在陳司徒
廟之後園向來陵谷忽變改化作劫灰飛入海神焦
鬼爛救不得桐鄉自此無光彩幸存一曲欄干石題
公姓氏留遺跡石苔爛斑土花碧相伴銅駝臥荆棘
余從海上避兵歸幾度摩挲長太息懷哉古之人好
賢意無窮詠甘棠愛召伯賦棗竹美武公獨孤樹堪

比隆後人寧不仰高風元都道士桃千樹一檜區區
豈難措龍鍾野老及羣英亦愧因循坐遲暮檜乎檜
乎重培植風枝相樛霜幹直邦人具瞻仰遺德見樹
猶如見顏色六百二十五年如一日

毘陵道中

黃姬水

勞歌江上採江蘼一日愁添鬢幾絲借問客心何處
折渡頭燈火落帆時

晚泊呂城

沈明臣

未暮先投宿孤帆住呂城天空高樹出市小大橋橫

隋帝江深鑿吳蒙鎮重營斜陽與流水感慨一時生
橫林夜泊行
前人

扁舟夜向橫林泊月黑星沉雨將作岸上人家燈影
懸沙頭魚艇炊烟薄襄鄧舨舨落大帆荆吳大編收
長索長年識事誠早休豺虎噬人狼伺搏畏途不得
高枕眠兩睫達曙不交目老夫書劍羞索然青氈十
年穿且落胡為中夜亦凌兢自發長謠扣哀角嗚呼
延陵不可作三讓故墟亦不惡奈何令人鬱不樂

牛塘谷歌

陳箕

赤符真人起濠梁怒騎長鯨鞭八荒歌風慷慨思猛
士熊羆彪虎俱騰驤就中常公稱最雄射弓走馬如
游龍二十登壇古來少側日久已無重瞳舉旗采石
開帝業洗刀鄱湖成大功是時毘陵尚翻覆城頭鳴
鳴夜吹角元戎受詔親點兵貔貅十萬疾若神毘陵
城外陰雲橫牛塘谷中鼉鼓鳴戰酣氣奮鼓益震諸
軍願死不願生狼烽慘黯日月黑巨駭迸裂天地昏
前徒倒戈厥角崩長驅直入無堅城此事由來三百
載長林巨壑依然在細草青青滿谷田寒流泚泚浸

古今圖書集成
平川沙禽水鶴巢荒壘野寺孤村起夕烟村邊老人
向予說谷口猶存陣圖石秋雨蒼涼咽暮笳霜天彷彿
馳鳴鏑不見凌烟百尺高堪悲大樹蟠空壁嗚呼
往事何茫茫聽罷如過古戰場亂後川原轉蕭瑟白
頭吟望賦牛塘

蘭山

項麒

蘭谷何逶迤暄風藹然至清芬遠飛揚芳心靜無倚
不採非所傷幽獨良自媚彼美巖阿人時來慰芳意
冰絃一再揮餘音淡盈耳白雪凝不流春空曠如洗

安得同心人清言究真趣

入陽羨

李文

薄游耽曉行遂逐山溪轉野水雲根深春風柳芽短
古瀆飛鸛鵝中流聽雞犬客棹尙迷源人家應不遠
何處訊漁郎蓑笠桃源晚

震澤歸舟遇雨

許繩武

爲踐湖山約歸舟巨港東一番花信雨兩岸石尤風
水濺春衣濕溪環晚樹葱石根維短纜覓火坐談空

過鴈門

係余夫椒
祖居

許鼎臣

古今圖書集成
堂前燕燕久他飛極目滄桑感式微鴈字低迷明月
嶺漁燈半隱白雲磯薜蘿舊巷名空在桃李芳洲麥
漫肥今日同人翻作客菟裘老去念安歸

欽定古今圖書集成方輿彙編職方典

第七百二十四卷目錄

常州府部紀事

常州府部雜錄

常州府部外編

職方典第七百二十四卷

常州府部紀事

吳越春秋殷之末世衰中國侯王數用兵恐及於荆
蠻故太伯起城周三里二百步外郭三十餘里在西
北隅名曰故吳人民皆耕田其中注太伯所都謂之
吳城在梅里平墟今無錫縣境

太伯卒葬於梅里平墟注即太伯故城之地劉昭云

無錫縣東皇山有太伯冢去墓十里有舊宅其井猶
存皇覽云太伯墓在吳縣北梅里聚二說不同此云

古今圖書集成
平墟當以劉說爲正

晉書周玘傳帝以玘頻興義兵勳誠並茂乃以陽羨及長城之西鄉丹陽之末世別爲義興郡以彰其功焉

張闔傳闔補晉陵內史在郡甚有威惠帝下詔曰夫二千石之任當勉勵其德綏齊所莅使寬而不縱嚴而不苟其於勤功督察便國利人抑強扶弱使無雜濫真太守之任也若聲過其實古人所不取攻乎異端爲政之甚害蓋所貴者本也闔遵而行之時所部

四縣並以旱失田闔乃立曲阿新豐塘溉田八百餘頃每歲豐稔葛洪爲其頌計用二十一萬一千四百二十工以擅興造免官後公卿並爲之言曰張闔興陂溉田可謂益國而反被黜使臣下難復爲善帝感悟乃下詔曰丹陽侯闔昔以勞役部人免官雖從吏議猶未淹其忠節之志也倉廩國之大本宜得其才今以闔爲大司農闔陳黜免始爾不宜便居九列疏奏不許然後就職

南齊書高帝本紀建元元年秋七月丁巳詔南蘭陵

古今圖書集成
桑梓本鄉長蠲租布武進王業所基復十年
梁書武帝紀天監元年夏四月復南蘭陵武進縣依
前代之科

武進縣志梁武帝大同十年夏有龍因雷而墮延陵
人家中明日視之大如驢將殺之俄見庭中及室中
各有大蛇如數百斛船家中奔走後侯景幽殺簡文
於酒庫

陳書高祖本紀未定二年正月甲辰振遠將軍梁州
刺史張立表稱云乙亥歲八月丹徒蘭陵二縣界遺

山側一日因濤水涌生沙漲周旋千餘頃並膏腴堪
墾植

武進縣志唐集賢院學士延陵包融與張旭賀知章
張若虛稱吳中四士

李德裕在中書好惠山泉置水遞以進皮日休爲詩
譏之曰丞相常思煮茗時郡侯催發只嫌遲吳關去
國三千里莫笑楊妃愛荔枝

晉陵建元寺僧智空以道行聞忽一夕雷聲轟發左
右几榻糜碎僧驚仆少頃聲息星月皎然覺腥腐氣

不可近燭視之垣下得蛟皮長數丈血滿地禪堂北大槐爲雷所裂中有蛟蟠跡焉

延陵包隰因追赴選限泝舟隋河命僮僕助牽挽過符離縣西古樹下有穴樹根盤屈若廢井然一僕失足墮久之方出提一片石廣四寸有小篆其文曰旁有川上有道八百年中逢栲栳衆莫知所謂墮者曰吾小名呼栲栳也

宋史陳襄傳襄知常州運渠橫遏震澤積水不得北入江爲常蘇二州病襄度渠之丈尺與民田步畝定

其數授以浚法未幾遂削望亭古堰水不復積

王罕傳罕字師言以蔭知宜興縣縣多湖田歲訴水輕重失其平罕躬至田處列高下爲圖明年訴牒至按圖示之某戶可免某戶不可免衆皆服范仲淹在潤奏下其式於諸道

無錫縣志熙寧中有常州太守召赴闕其人頗熟時事將有陳述所主亦大臣有力者或云介甫當無不稱上意旣陞見上首問錫山去郡幾遠旣非素備了不能對蓋常州無錫縣錫山俗呼惠山守不知閱圖

古今圖書集成
經故不知也上顧近臣曰爲守臣而不知境內山川其爲政可料卽罷去竟不會開陳一言

武進縣志高紳早歲寓橫山冲虛觀有泉味極甘謂可比惠山泉太平興國中以太常少卿出宰故里章聖特命其子彝直爲尉俾就養焉首訪是泉廢已久至是復騰湧別駕董黃中作詩序其事名高家父子泉

張誠旌孝碑宋元豐七年毘陵華直內所重建也誠須城人自祖綰六世同居男女少長合一百十七口

以耕漁爲業每旦坐堂上集子弟分工授事皆整容悚息而不敢少怠南渡後徙居毘陵子孫以文學取科第爲毘陵望族是碑沒於郡人薛埜之家園元至治壬戌因治地得之植於庭後復失之

東坡海外歸次毘陵時久旱得雨里人袁點字思與呈一絕青鬢美人迴鳳帶繡衣男子返雲車上天一笑渾無事從此人間樂有餘東坡大喜贊袁後仕朝請大夫

無錫縣志樞密蔡卞帥廣道出無錫挈家人遊惠山

是日邑有楊生者與僧閒行殿上聞蔡來戲言曰蔡侍郎無子吾與之爲子矣蔡至廣之明年生子仍後三歲還朝次無錫仍忽悟前生爲楊生能言其居舍親戚與平時所嗜玩因名楊二子問其父死之日果仍生時也後三日復問則懵不能言矣

紹興辛巳高宗視師江上至無錫幸惠山酌泉泉上汲桶有吳安二字蓋閹吏姓名而侍衛見之皆喜謂吳地可安也

常州府三大字在內子城上南唐散騎常侍徐鉉篆

宋志云占相者謂筆勢雄偉如金鐘覆羣龍乃掄魁接踵之識熙寧崇寧嘉定已三應矣

許舍山中多虎童男女晝不出戶尤待制叔保居之使人拾棟樹子數十斛作大繩以棟樹子置繩股中埋於山之四圍不四五年棟大成城土人遂呼爲棟城乃作四門時其啓閉虎不敢入

淮海周輝云輝家惠山泉石皆几案間物親故東來數問松竹平安信且時致陸子泉茗椀殊不落莫頃歲亦可致於汴都但未免瓶盎氣用細砂淋過則如

古今圖書集成
新汲矣

李謨居無錫一日方與客飲有道人叩門曰吾自青城山來劉高尚先生使我見公有所言聞人辭主人方飲酒不敢白再三請不可道人不樂乃索筆書戶上曰日轉庭槐影漸移重門複屋傳呼遲不如拂袖穿雲去說與落花流水知又曰吾所謂小邨者也謨聞悵恨累日

宜興縣志長橋下舊有白獺若出穴四望而嗥則爲兵兆神而祠之今廢

善權寺殿柱有雷書皆火筆倒書一曰詩米漢一曰謝鈞記一曰詩米漢謝鈞之記入木幾五分字皆行書相傳爲雷部鬼神筆其來甚久今毀於火
武進縣志常州一村媪老而盲家惟一子一婦婦一日方炊未熟其子呼之田所婦囑姑爲畢炊飯成捫器貯之誤得溺器婦歸不敢言先取其中潔者食姑次以餉夫其親臭惡者乃自食良久天忽晝暝婦暗中若爲人攝去俄頃開朗身乃在近舍林中懷掖間得小布囊貯米三四升適足供朝晡明日視囊米復

古今圖書集成

如故寶之終身
徐婦娼也元至正壬辰賊寇陷常州守吏望風奔潰
婦見獲寇命佐酒婦憤言勿從賊刺殺之未幾浙江
平章章定統兵克復儒流多以從逆伏誅
無錫縣志倪元鎮嘗攜妾輕雲放舟錫山下畫萬壑
爭流圖陽羨陳氏後藏雲林十萬圖此其一也
輟耕錄李恭敏公者所居在江陰之南門門首亦題
曰恭敏不知當日名坊之義而七八十年來子孫消
削第宅傾圮殆盡棄遺故址竟爲里豪薛得昭所吞

土木一新鄉閭健羨忽有人獻詔於薛云若不除去
舊坊終非我家利也薛深然之指數恭敏之族尊且
長者惟李唐卿可主其事乃呼至贈錢百緡李欣然
撤之一夕嚙語呻吟甚苦妻急呼之覺問其故曰我
夢見袍笏大官自云是我祖責以不能世守其業又
毀其坊旣罵且撻我負痛叫號故至此耳

暨陽之南門橋軍人張旺者素兇狠無賴嘗夜盜城
西田父菜被執濡其首溺池而釋之以故恨入髓一
夕宿火瓦罌往燒其家道由觀溝時月色微明畫師

吳碧山尚未寢偶聞步履聲穴牕窺之見張前行而殤鬼百數踵其後頃又聞步履聲復窺之則張回而青衣二人前導焉吳甚驚怪蓋張乃吳常所厚善者且往叩張張初不承及語之審因以前事告且曰我實欲燬其室以快所憤因念冤冤相報無有了時遂棄火歸他無見也吳乃告以其詳張大感悟卽舍俗出家人咸稱之曰張道人至正五年事

江陰縣志李時可名鳳元季居馬馱沙喜結客楊維楨嘗浮江過其家鳳訪之舟中器黃金犀玉相半也

及鳳燕維楨瑪瑙作埒赤玉盤盛脯白玉斗盛漿皆盈尺佐酒歌舞又皆絕代佳妙維楨爲色動龍鳳中徵粟助軍興以萬石應後竟治巨艦浮海去不知所終

無錫縣志元至正十七年三月明太祖克常州改爲常春府立樞密院以湯和爲同僉總管統兵守之大政記記事本末皆載以未久復改常州後幾於不甚傳矣

明政記六月己未命長春院判官趙繼祖元帥郭太

祿鎮撫吳良取江陰張士誠兵據秦望山以拒繼祖
引兵攻之會大風雨其兵奔潰翌日進攻州之西門
克其城命官守之先是士誠北有淮海南有浙西長
興江陰二邑皆其要害長興據太湖口陸走廣德諸
郡江陰枕大江扼姑蘇通州濟渡之處得長興則士
誠步騎不敢出廣德窺宣歙得江陰則士誠不敢沂
大江上金焦侵軼路絕

武進縣志東鄉太湖有軍士五百人將破堰先以酒
肉祈神約令水涸夜夢神云塘水即竭若見巨鱗慎

勿殺也又有銅釜並不可發明往尺水翕然而盡得
白魚形狀非常小人貪利剖而治之見昨所祭餘食
充溢腸內須臾復得銅釜又發之水便暴出五百人
一時沒溺唯督監得存說其事今其地猶名五百陂
湯國公和守常州嗜酒好殺有行刑者王德甫每受
命殺人行至州橋以刀背掀之下水多不死或械繫
以待其醒多得免會孫僎探花尚書元孫沂副憲後
又有萬曆己未進士之柱一云有唐姓者為木人頭
乘醉時命殺人即以木頭擲於前明日遂不問後其

古今圖書集成
子孫七世貴顯

江陰縣志靖難時邑東鄉有王某者感事詩曰平地龍蛇起戰爭奔騰海上陷連城烟生趙衛郊墟赤血染青徐草木腥管蔡妄圖終見殺夷齊相讓未全名十臣一死無餘事厲鬼還期報聖明忠憤勃勃

武進縣志方正學門人某建文初見削奪親藩太甚力諫正學不聽遂被髮佯狂歌哭市中正學被禍時突入臥室攫其幼子而去以綠絛繫之書一六字衫上置常州府橋前有賣腐金翁晨起得之撫以爲子

冒金姓故謝文肅弔正學詩有孫枝一葉是君恩之句正學祠堂記亦載此事後嗣有發解者以六字似六字復改金爲陸焉

無錫縣志綺塍街元明之間最繁盛夾路喬木古藤飛樓連閣浦長源詩所謂出郭樓臺三四里遊人不得見山容也又謠云惠山街五里長踏花歸鞵底香今皆無之若夾道栽以桃柳乃較勝耳

武進縣志秦村去龔巷數武宋追贈龍圖學士秦觀字太虛又字少游高郵人貶雷陽放還卒於藤藁葬

於潭政和間遷葬高郵之本鄉後子湛倅常州又遷葬錫山孫南翁念祖墓在錫乃入籍於晉陵新塘鄉名曰秦村則是新塘之秦村宋代已著稱矣傳十世至元有端五者出贅於胡埭監簿王遂為錫人入明科名顯奕皆南翁裔也今秦村族屬雖繁習於農業錫支亦不復與之敦敘矣

龔巷門閭始於洪武初龔師實諱銘可任山西徐溝縣簿卒於官妻石氏奏夫官貧不能歸櫬上許驛傳以歸表其第曰龔巷門閭仍著為令凡秩小官貧卒

於任者得請於官乘傳歸里舊縣志載龔節婦而不詳其自今坊表已廢父老相傳在今巷土山坵田內是為前巷本里為中巷河北為後巷

無錫縣志洪武戊午夏四月雨雹橫山居人蕭天祐在城中三日後歸啓其室見階下有四石子一白如玉隱起竹葉紋一深紅色一淺紅色皆如寶石有芒采一最小者鴉青色王學士題其居曰天寶

朱仲南者少孤貧為縣主刑吏景泰末邑大饑民無食者羣聚而之有穀之家強貸焉既而指為盜上之

古今圖書集成
郡郡守當以辟仲南爭之曰是當笞法如是足也守大怒榜掠甚毒嚴訊至再而無異辭獄卒以不成英宗大赦諸囚乃出仲南曰吾爲小吏活三十六人亦可以無負矣遂解役歸

尤誠者字無僞授經吳門弟子百餘人景泰中誠爲秦府伴讀將之官徵東修於諸生歲荒不能得而吳人多釀酒酒不售則人抱一罌饋尤尤笑諾而置之家徒手入秦明年甲戌元旦大雪三日積八尺餘老稚莫能出戶誠父曰務樸遂取酒使蒼頭循門而飲

之數日百甕皆盡而所活人亦甚衆

藏春院者成化乙酉舉人高政號龍川爲監利知縣歸而富於貲性豪侈不事繩檢爲院於高家街口選曲中艷異者居之政所至皓齒纖腰哀箏急管絕纓投轄每忘晨暮嘗雪夜飾其家姬數人皆貂裘錦靴爲塞上之裝眩動閭里前後亦題詠盈帙皆艷詞也後人有懷川者丰神秀朗稱其家兒鬪雞東郊鳴瑟北里而坐則皆椎埋屠狗之俠也月費千金不足於用於是爲南塘一出甚而再舉吳門一富家姬識

古今圖書集成
之以至於敗且死姬故藏春院中人也卒以此致禍
亦可畏矣王僉事仲山藏春詩云玳筵羅綺醉淹留
狼籍簫聲去不收猶恐彩雲容易散明朝重上水西
樓可謂得諷喻之旨

武進縣志薛家作萬人死義序記宋末尹麻二將軍
事與郡邑志不甚合序稱周總周綺五牧人五嚴兄
弟虞橋人倡義乞師與尹麻同戰死舊志皆不見姓
名家必有所本

江陰縣志錢鶴灘福免官歸館梧塍徐氏一日遊君

山徐預探險韻藏鬪戒從者卽席發之欲以難鶴灘
也酒次援筆成詩云水勢兼天山作隄渚雲烟樹望
中齊直從巴峽纔歸壑許大乾坤此結臍胷次抉開
三極朗日光搖蕩四垂低欲騎日月窮無外誰借先
生萬丈梯

武進縣志張汝弼有盛名赴南安郡守道經毘陵時
陸詹事簡方得告南歸張訪之適展墓不見乃索紙
筆題一絕於陸世經堂竟去詩云雲意模糊雪意兼
六龍城下晚風尖始知東閣先生貴不放南安太守

古今圖書集成
叅詹事歸亟追之已行遠矣

毛古庵先生著毘陵正學編列諸儒姓氏十二人楊龜山時鄒道鄉浩周教授孚先周坑冶恭先唐祕書彥思鄒編修柄喻玉泉樗胡蒼梧瑄尤遂初袁李小山祥蔣實齋重珍謝龜巢應芳各爲小傳

無錫縣志許給舍至善少從師清涼庵庵前坐一乞兒許憐其老疾每攜餅餌食之如是三四年許一日遊青山乞亦至與語樹下忽手提許擲之左方曰避前冤顧視山上一巨石崩墜已在許立處矣自是乞

兒不復見

錢綱字孝常世所稱錢偃師者也居鄉遇有不可必面斥無所避知縣某新視事殘酷多杖殺人綱過縣廳事有扁曰視民如傷指語令曰請爲公易一字令曰幸甚敬請所易曰當易傷爲讎耳令踉蹌謝過爲省刑杖

甲戌之春潮水入西關至學宮之前是歲孫宗伯繼臯狀元及第邑人爲立候潮館及宗伯乞歸舟抵北郭是日潮亦隨至人以上孫之不復出矣

古今圖書集成
王名字子行問之兄也幼奇穎年十二補諸生二十
舉嘉靖癸未進士除戶部主事奉使兩淮竊侯家妖
童爲侯所訟出判禹州不改放誕奪官歸乃創水西
樓於試泉門外水西樓者青樓也在梁溪之曲清川
明麗綴以綺牕朱戶召致吳越名艷聚處其中與錢
常山憲顧舉人可宗輩結肆情之社日夕游娛若恐
不及故時人爲之語曰快活王名與錢憲百歲老人
未之見蓋自藏春院廢殆六十年而水西樓爲之繼
焉

武進縣志嘉靖初天慶觀道士嘗於地中得石函有
籍一束多唐宋名人題味印色猶新內有陳巖毛中
尉施宅券皆晉時歲月後有一圖卽隋陳司徒像唐
荆川刻之於石置忠佑廟此卽宋末徐道明所藏者
嘉靖三十年倭犯舜山里人李鳴岡李珏李啓等率
丁壯於申港河西禦之時倭阻不得至郡日聚黨來
戰而鄭陸橋張珏統衆三百人不合兵爲援反恃李
不爲備李兵見倭勢日熾稍却而倭遂突過珏衆首
遇害由是郡郭不免矣

東城門在唐鐵橋按漢書郡國志春申君改封無錫
置田浚河爲上下屯故作此城門內有旌善申明二
亭明洪武十三年建鄉有奸豪不法小事許老人於
申明亭治之嘉靖間尚存遺址緣老人翟琳治事過
刻亭尋廢城門內故有輞川街今爲民居

施老人者邑之南鄉人嘉靖間大旱太守與城隍神
對鎖壇前三晝夜守夢神告曰城南有攜傘老人請
之來可致雨太守遣四人候南門外日午果有老人
攜破傘至四人挾之見太守守揖之曰請汝祈雨老

人辭不能太守曰汝第焚香致禱卽不驗吾不罪也
老人叩禱三日果大雨如注太守問居家有何陰德
曰知種田耳問何故持傘曰一生不敢對三光唾溺
持傘以障身也後老人死見夢於里人曰吾爲此間
土地至今所祀土地稱施老人

府基後舊有河形萬曆癸酉間施觀民爲郡守復浚
之因避民居稍迤邐於東南民間言大魁當出無錫
在郡東南也甲戌無錫孫繼臯果爲殿元後錢守成
爲郡守又浚之次年乙未孫慎行登一甲第三甲辰

吳宗達亦登一甲第三咸以爲浚河之應云
施龍岡爲郡守建龍城書院費幾萬金竟以是被重
劾褫其職因而波及天下書院一槩撤毀雖施之苛
罰斂怨有以致之然其造士之功不可沒也後龍城
故址廢爲菜園後郡守贖其地建先賢祠祀延陵季
子而下六十九人祠前爲傳是堂堂前爲懷施軒軒
前爲千古一脉坊堂之左右翼曰尊德性曰求放心
每月集士校藝其中一時稱盛事今祠僅存簿尉屢
假爲廨舍矣

無錫縣志王穉登云至無錫晚泊迎潮館下此地卽
故蓮蓉湖今爲田者十九然猶巨浸蒼茫水及惠山
之趾是夕十三月最明與前中秋十三夜相若錫人
士好遊大類吳門短橈輕舸夷猶綠波載嬋娟而出
者簫管之聲盈耳僕顧而嘆微茂苑者此地甲天下
矣

顧湯卿率里中子弟爲團練授方略勦滅海盜時明
萬曆十六年也歲大稔島魁爲通人胡成常人邢滿
其鋒莫當官兵懦縮不前湯卿厲衆扼據河北諸村

古今圖書集成
設伏山溪叢薄手勦一盜會夜逐北錯足墮水遂遇
害所練衆卒擒胡邢二盜郡州縣檄各處做行之餘
寇亦平官爲建祠曰義烈

袁宏道云余不嗜酒而有茶癖居江鄉日與泥汁滲
潢爲偶吏吳以來每好事者設茶供未嘗不自笑然
務煩心懶十未得一及居錫城往來惠山始得專力
於此一日攜天池鬪品偕數子汲泉試茶一人突問
曰公今解官亦有何願余曰願得惠山爲湯沐益以
顧渚天池虎丘羅峽如陸蔡諸公者供事其中余得

披緇老焉勝於酒泉醉鄉遠矣

武進縣志政成橋南故有三元庵僅數椽祀天地水
三元之神萬曆甲辰冬有僧自廣中奉沉香觀音大
士像至庵將擴而大之掘地築基獲石佛二尊一背
刻貞觀三年造一背刻菩提庵住僧文海造又一大
石刻云乾年東林寺乾字下數字已泐蓋此地至今
凡三爲寺矣

城東南陳灣山麓有三孤寺祀董芮蔡三孤俗訛爲
三姑也舊猶僅存木主後遂肖像爲婦人萬曆乙巳

三月有民率衆念十王佛於其中忽昏暝震電不移時殞地死者七人有同坐絕而復甦云先有火似赤繩而長繞於祠之基忽平地聲迸空中轟聲應之青烟一道如桅自西屋擊下其燄類硝磺之氣第覺烟縷中火屑一逼卽痿痺不能伸矣獨婦人十餘人坐東偏若有水洒其身得不羅斯難所斃七人平日皆怙惡者也邑令晏令毀三姑像仍祀三孤

萬曆間修邑志主其事者唐太常鶴徵若人物傳記則皆出明經陳無英邁手時設局陳烈帝祠一夕邁

醉臥邑宰晏文輝命役召之飲役至不見邁見婦人之衣縞素者盈於室驚走出曰陳貢生他往耶抑挈家至耶又何衆也遲疑久之晏復命二胥至促之見役方逡巡月下告之故進復如此三人復驚疑佇立者久一胥曰吾曹奉命至不可羈遂羣趨衆婦人皆忽不見舉帷視之則鼾然睡者邁也驚致晏命邁乘醉偕往具陳所見晏以爲誕邁曰然或有之晏請其故曰前日唐太常以節婦之載志藁者甚繁欲稍刪之邁亦以爲然今得無諸節婦之靈耶晏大歎息明

日語太常遂盡載入志

萬曆甲寅三月二十六日忽傳倭至男女荷擔填塞街衢登城一望萬蟻東繞郡守陳幼學命營兵往孟河勘實歸報無事始懸榜解散薄暮小民之無依者逡巡西返而江陰無錫宜興同日東走無錫西門啓鍵少需積聚如山流言洶洶日熄日起徐知爲孟河市豪焚略一官舫甚慘慮其報仇旦夕不寧適是月二十八日賽神先期布戲臺酒樓於江滸江北民肩貨掛帆數百艘南指一人遙指曰官兵至矣萬衆隨

聲而奔武士後逐益空室行矣夫遼蜀血戰吳越間緹騎殞命以償忠紳皆甲寅已後奇變而其兆乃見於予邑之訛言漆室之憂至今耿耿也

孔灣在高山馬凹之東四面環山明嘉靖間有花氏居焉遂名花家坳萬曆丁巳春花氏營葬得一古穴其棺座以鐵牛六頭下穿水道達於外誌石稱宋蔣公諱世隆宜興人卽其長君棣所誌也內有云某月日葬於江陰軍來春鄉觀山孔灣之原

江陰縣志茶鎮河至今無淤塞之患繆元贊常云錢

侯錚督治河見浚是河者功獨後訖視良久名河夫
前諭曰此地舊經兵燹瓦礫積土中工價宜三倍他
所衆悅乃盡力加深廣云世之理河工者不分地形
高下而概督之安得民忘勞而興水利也

無錫縣志邵文莊尚書第作十二景有曾侍堂泥金
畫仲尼居曾子侍像於屏容春精舍藏書萬卷其中
後燕居亭亭旁一齋祀祖存一公小像其南爲嘉樹
亭庭以石子壘八卦象曰八角臺臺西置九畹畹各
滋蘭九本名蘭畹曾侍堂右鑿小池種荷名思濂沼

上有石梁曰光霽橋其旁多竹名靜深徑堂前有石
二取其形似名之一曰圭一曰冕又一石如屏者出
西蜀種蒲其上曰雪浪菖蒲石爲地不甚廣而取名
繁多然性亦好土木終歲治第第成而田不及七頃
時尤蒼梧弼與文莊游甚暱謂曰國賢得無木尅土
乎山中點易臺成尤又曰讀易何必點點易亦何必
臺文莊笑曰生平知己唯我遂良

遂良弼字

興寧鄉之寺頭初其土人多以務本自殖有某氏者
以彈棉花起家久遂殷富知浮慕文墨造請名士會

作堂成祝枝山爲題聯句云三尺冰絃彈夜月一天
飛絮舞春風其家甚愛重之而不知其嘲已也

武進縣志毛念恃禱雨記予邑父老爲予言肅皇帝
時歲大旱有司竭誠以禱就城隍廟宿且祈神示夢
神告曰吾欲爲奏之於上帝而來禱之人無足以疏
請者必欲請之須孫好天張大扇朱自量三人者來
吾即可上達耳遂於明日命役遍索此三人總不可
物色至三日一役因走渴少止於鄉之土神祠有人
先在焉遲之其人起向天而呼曰好天好天役徵其

姓曰孫也乃挾以來一役在途遇一人蹇而行者手
持一紙扇大倍於他扇者三役異之問知其人張姓
也遂強之來一役至一鄉米肆中有人來買米數升
肆中人收其米值而不卽與米買米者詢其故曰汝
尚不知我朱自量乎我稱汝銀汝量我米可也役乃
持之偕來三人旣至治前以從未識長吏也狀甚惶
悚令曰毋然爾吾所以邀公等來者欲公等爲吾一
邑請命祈卽降甘雨耳但未知公等平日所爲盛德
若何請語之孫姓者曰吾無他但每日晨起爲拜天

感其生物以長養吾儕也故每瞻天必稱之曰好天人遂以好天號我張姓者曰吾有疝疾每患遺溺露體獲罪三光故持一扇以蔽之不敢褻天也人遂以大扇呼朱姓者曰吾爲小市以爲人挾所有以易所無如人之金我旣衡其輕重則我之粟應聽其人之淺滿故人以自量呼之今日是矣力請升臺祈雨三人止解叩頭流汗不輟纔半日而霖雨大降一邑霑足

天啓乙丑八月將毀東林書院高忠憲夜召儒學吏

潘守命之曰書院毀矣惟是燕居廟孔子神位豈可俱毀吾念惟文廟復壁中可藏特以相托毋泄乃呼燈躬奉神位付潘明年公及於難其後燕居廟再建潘之子華言於衆乃迎而祀焉

太學生毛燕卿居昇西鄉十都長厚好施鄉有凶荒急難輒貸穀濟之不責息年四十無子或言宅不吉因買屋於城廂遷居之將徙之前日盡焚鄉人所負本券約千餘金夜宿舟中夢至焚券處命童掃除其灰灰下一紅盤托兩羊角瑩然可愛天明抵新居於

破笥中得一盤類夢中物然亦不以爲異也是年舉一子後五年又舉一子一日兩子戲井欄邊長子掘土捉蟋蟀偶得二羊角取置盤中捧至燕卿所宛然夢中所見燕卿大奇之長子名羽皇成進士次名羽宸邑諸生以爲種德之報也

天啓間江陰李忠毅應昇以忤逆璫魏忠賢被逮緹騎坐西察院常民恟恟頃刻集數千人瓦石交擲欲斃緹騎而奪忠毅忠毅涕泣長跪求免衆不顧會日暮散去郡守會櫻夜潛出緹騎於竇中忠毅亦踰垣

出隨緹騎北發黎明士民復集索緹騎不得乃鬩然不散蘇州五人之事先見於常矣

崇禎戊寅嚴司寇一鵬年九十詔賜存問設龍亭於迎潮館勅使以下朱衣搢笏騎而導前司寇朝服郊迎又伏候於里門至第宣讀詔旨朱顏白髮拜舞婆娑通邑聚觀嘆爲人瑞嚴爲萬曆丁丑進士至是前一載丁丑邑中第者七人持年晚生刺謁嚴嚴出見笑謂曰今日承諸君不棄老耄他年丁丑又有後來者援例謁諸君也胡時忠進曰是時晚生輩又率諸

後來以謁先生耳一時大笑人推胡辭令之善

崇禎十二年歲大旱蝗蝻被野邑人邵文燦建議請於縣令馬令民捕蝗詣縣者計石給錢文燦願輸其家私錢助給是歲掩捕略盡蝗不為災令義之為白於臺臺給冠帶旌其門文燦性至孝母病思鮮魚不即得後遂終身不食魚輕財樂施予粥糜醫藥棺槨之施殆無虛日遭歲饑鄉里賴以存活者甚眾然家實無餘貲也前後三舉善行一再舉鄉飲賓長吏皆以為宜年四十餘始舉一子其後諸孫繁衍論者謂

為善之報云

崇禎年間有商早行至海子口見捕蛙者攜蛙一巨筐商探囊金買釋之捕蛙者窺商資厚誘至家啖以腐漿夫妻乘間遽搯其喉用泥丸塞口鼻反接之沉於河中復壓以腐磨一片侵晨適監司船自上流來羣蛙繞船鳴噪甫開牕羣蛙躍入案上一巨蛙鳴聲尤慘逐之不去監司曰若等有冤乎可導吾隸人往蛙果入水且鳴且躍數吏從岸上尾之至新聞蛙沉水底銜一片衣裾出因獲得商尸監司遽令吏遍索

村落間腐磨之無蓋者遂擒得捕蛙人杖殺之
崇禎間有徽商過東門三官堂見大士像剝落捐十
金俾增修葺僧窺其囊心動因畱宿乘夜縊殺之明
晨適有哨官經其地見一美婦入庵疑僧所私也急
蹤跡之破扉入遍搜得商尸救之獲甦因縛僧送官
斃於杖

僉都許鼎臣之父諱繩武字惺劬以附近家屋典與
醫生毛敬宇住得銀四十兩敬宇不戒於火燬其房
鼎臣父慰之曰君家所失吾不能計典價吾當奉還

已而書與鼎臣曰毛敬宇失火吾家當自再造耳鼎
臣回書以四十金寄歸曰應還其屋價父子同一好
義之心也

崇禎間義民趙遵四子誥論訥詔共捐金石建定波
橋又建東河劉家橋改名天水

常州府部雜錄

風土記陽羨縣東有太湖中有包山山下有洞穴潛行地中云無所不通謂之洞庭地脉

澠水燕談錄江陰軍北距大江地僻鮮過客無將迎之煩所隸一縣公事絕少通州南阻江東北濱海士夫罕至居民魚鹽自給不爲盜獄訟希簡仕宦二州者最爲優逸故士夫以江陰爲兩浙道院通州爲淮南道院

王穉登荆溪疏未至荆溪三十里曰河橋豈詩人所

古今圖書集成
云酒幔青者卽其地與

周將軍廟在城中陸平原碑集王右軍書不佳其半已泐廟後數丘魁然古木蒼蔚登之可望南山或云將軍馬革未還此特藏金甲墓也

城中長橋直瞰縣門甃石堅好非孝侯斬蛟處斬蛟橋在西九宋蘇文忠公題梁好事者摹刻廟中

銅官山在城南袤五十里山嘗產銅前代設官守之志稱天降銅棺葬袁令甚齊諧

蜀山在城東四十五里水環之如崕嶺蘇長公置田

陽羨時徜徉其中因名蜀志懷鄉也今祠堂在山椒鐘簾生青苔矣

金沙寺在湖汶東南一里唐陸希聲舊宅今尚有讀易臺門外綠潭云是玉女伏流至此此洞庫淺不可入遶寺竹竿可數萬個

寺左有杭中丞祠堂弘正間諸髡嗜酒悉賣寺田中丞出鍰贖其半歸常住故沒而俎豆其中

寺中有岳武穆駐師時題壁後爲岳氏子孫取去張公洞去金沙寺三里山如覆釜吳赤烏間霹靂開

古今圖書集成
爲洞洞有前後二門自前門入者懸磴而下日射之
光明徧一壑磴盡處幽黑不可窺拾級而上登一臺
從臺上仰睇俯矚怪石刺眸莫可模寫如懸犀照海
天吳紫鳳負波而浮神人異物輸賫獻琛魚龍灑潏
乍出乍沒見者無不咋指吐舌洞中前明後晦自後
入者非列炬不可又須側足曲跽蹒跚却行而後能
下石怪不當前洞十三初至探奇聊堪一偃僂耳
張公一云道陵一云果按曆道陵在前赤烏在後雲
房丹竈當屬白驪先生

張公洞冬暖夏寒遊宜寒月不煩挾纊洞乾猶可躡
屩夏多浮嵐蝙蝠矢覆地如雪垂溜點人衣默承之
無迹但有痕宛然

去張公洞二里爲玉女潭故史吏部別墅潭深不可
窮投絲一絢未及底巖光綠可染衣水作碧瑠璃色
雲鬢膏沐草木猶香信是洗頭盆也

天窟洞史金吾新開有兩竇天光下入曠然若堂皇
橫泉出石罅甚細左轉盤旋可通行平崖上覆仰視
猶承塵

古今圖書集成
去天窟而近者爲龍湫水綠如玉女潭云與潭通下
視沉沉不異窺井然可浮舟至隔巖亦一靈境
近龍湫者爲連珠洞雙穴如規故名後有池石含之
如蚌

近連珠者爲君陽洞一綫天有大石梁梁下石如砥
水遶之可浮杯或病其隘甃稍廣大類園池間流觴
石令人短氣洞右盡處褰裳而涉雙厓劃然不合者
僅如綆所謂一綫者也兩旁石如羅漢座潺湲界道
流極駛羽觴隨波客跣趺承之頃刻盡一鴟夷

洞近張公泉近玉女洞非一洞泉非一泉曲引旁緣
近湫遠注洞洞鈎連泉泉帶繞或經或緯棼如錯如
斯坤維之妙解水德之靈通乎

西九五十里至祝陵祝英臺葬地山人業採石斧鑿
聲鏗鏗翠微破碎矣

善卷寺去祝陵一里長松夾道今漸少亭跨澗曰涌
金入寺門有閣曰圓通古碑離立閣下唐殿制作甚
古科斗葳蕤數百重罍罍堅樸前榮承塵雕鏤作連
錢文使不穴鼠大中初創建庭中左紐柏一

水自龍池下者旱潦不竭可灌田千頃故厥田皆上
上歲夏秋水大至行者皆濡足平時石瀨濺濺與松
風竹響互答乍至者悠然忘去

響山坂去徐氏一里走茗嶺道也石平如棧澗水之
聲淙淙過嶺卽吳興顧渚茶所從出嶺因以名

自張渚而北十里曰長林徐氏所居村巷井列塢深
地饒土人富者種竹起家貧者負薪自給屋皆瓦而
不墁墁則白螿蝕之令棟易橈

龍池去長林十里在山巔池中蜥蜴能含氣出雲神

物也有二庵上庵最勝登之震澤風帆皆可數然山
深多虎遊者罕至

蘭出荆溪者葉柔花弱比閩浙產不同又易致龍池
銅官之間彌坂盈谷山人杖挑籐束筐筥登市每歲
正二月之交負而入郭者價賤於泥人行市中衣袂
皆馥夏月生者一幹數花名曰蕙

雷書一在殿左第一柱近猊座者曰射鈞記詩米漢
在左第二柱者但有射鈞記右後壁第一柱者但詩
米漢皆倒書非籀非隸削之文愈深摹去佩者可辟

瘧義不可解或云是雷部神名

三生堂以唐相李蟻宋相綱得名非圓澤事

梁武帝禮斗壇在寺右山上尚有遺址

善卷洞作兩層如重屋上爲旱洞渠渠如廣廈石柱一當其門如踞獅後壁漸暗可秉炬入中亦宏敞有石牀丹竈仙人掌玉柱亭亭可二十尺及潭而止此通下洞路也

水洞在旱洞下鳴瀑砢砢自前山瀉入亂石齒齒水流其間與石鬪聲泚泚可當子荆一漱仰視石甚奇

不減張公右壁有仙人種玉田綴崖數級阡陌宛然石色如雪入稍深路乾泉皆泱流亦及潭而止明處卽旱洞二洞惟幼年獨窮探余及諸君輸一籌矣後洞與寺左通前洞水所從出也接竹引之以供香積秋時海棠千本並著花一壑皆丹

善卷避堯不知何緣至此或云高僧別一善卷耳

國山在寺左可一里孫吳登封處上有赤烏碑形如

國名國碑

張渚去祝陵十五餘里千家之市大倍湖汊可四五

古今圖書集成
茶筍竹木煤炭之利日數百金酒肆屠門比舍如櫛
一巡檢守之

凡居之臨水者土人皆稱步湖汶張渚祝陵皆步也
宜興形勢以銅官爲鎮縣當其中負之而居東爲湖
汶西爲張渚置尉設邏略如常山之蛇首尾相應昔
人建邑立都非苟然也

武進縣志南門外渡石橋而東古梅一株相傳宋時
物夭矯屈曲掩覆畝許春日人多移樽賞翫

升庵外集以今所見受震澤水東入於海者惟吳淞

一江不見其三也舊有安亭一江由青龍鎮入海覬
利者慮其逸商稅塞之又有白蜺一江以通青龍今
亦塞而耕牧之三江舊跡在是不有可訪而復之者
耶

無錫縣志勾吳許慎淮南子註云吳人語不正言吳
而加以勾顏師古云勾尸俗發聲亦猶越爲於越也
荆蠻史記正義曰秦伯奔吳所居城在蘇州北五十
里無錫縣界梅里村其城及墓見在而云亡荆蠻者
楚滅越其地屬楚秦滅楚其地屬秦秦諱楚改曰荆

故通號吳越之地為荆及北人書史加稱蠻也

梅里在無錫縣東三十里者是古梅李今在常熟縣東三十六里者五代時吳越使梅李二將駐兵於此以禦南唐遂成聚落故名

顧山即香山有寺梁大同中建中有山茶一株不知何代所植花時舟車衝溢土之富人惡而伐之幸未盡今其旁枝猶覆一樓

妮古錄蘇文忠愛陽羨山水之勝而欲居之今所存惟斬蛟橋八字而已按橋題經崇寧禁錮沉石水中

今十二字乃天台謝來伯家真跡紹定間其子奕修宰義興攜以入石者非當時之物也

武進縣志馬跡在西青嘴石壁屹立下有四穴圍徑各盈尺深六七寸水涸四穴皆見少涸則見其二舊說秦始皇遊幸神馬所踐之迹因以名

太湖中有大小雷山周子隱謂舜之漁澤大寧鄉有舜山舜井舜田舜港後人指為舜耕稼之所郡國記

云南朝多以北方山川郡邑名境內之地故以此擬舜遺跡吳地記亦云晉宋時始號歷山蓋兩漢地志

古今圖書集成
未之載焉此說近之矣

西廟東岳氏宅相傳爲陳司徒杲仁舊園址中有大石二一曰文峯一曰武峯文峯竦然端坐武峯似魁星跳舞天然異觀也武峯今移縣學宮明倫堂前文峯在故處有古桂二覆其上石下時現人形見者無害不知何故

無錫縣志福勝禪院卽今南禪寺在望湖門外明志皆同而元志乃云在南城內近顧橋門顧橋故城之偏門今無之舊傳寺有繚垣若城島夷嘗登之以瞰

城內後因削去寺垣不應高大若此疑卽故城基也以縣治考之其西偏舊當甚廣說在廨署志據是則故城之大於今日遠矣三偏門之設與其所以省皆是故也

二泉之上有小洞洞口方廣丈餘石上古篆玉雲幽洞四字顧九霞卅時猶及見之

若冰泉之水引爲九曲經故尊賢堂之前東匯於下池已經湮沒今石甃道乃丁酉歲劉光祿元珍奉差歸里修復之有自爲記

古今圖書集成
邵文莊曰文獻通考言惠泉甘美置之第二不忝但
未知康王谷水何如余飲惠泉舊矣後飲康王谷水
未嘗躍然驚也余友劉鎮江績亦稱惠泉第一
江陰縣志相傳江陰稱芙蓉城者以王子高遇周瑤
英事此事胡徽之作傳雖王介甫蘇子瞻張文潛諸
集間及之然事屬妖淫置勿詳可也

常州府部外編

武進縣志末嘉末有劉嶠居晉陵其兄早亡嫂寡居
忽二更中驚哭云屋中及壁上奇怪不可看嶠便持
刀燃火同婦至見四壁上如人面張目吐舌或虎或
龍千變萬形面或長丈餘嫂即驚死

元嘉間丹陽郡吏章授嘗使吳舟經毘陵遇黃色單
衣人寄載所過村墅輒去良久授疑發其笥得文書
數卷內有吳郡諸人名又有針數百枚授愈疑之後
以少酒脯餉授曰君弗疑我是鬼也主行病所以多

古今圖書集成
持針者當疾者以針針之奪其神耳丹陽已別有使
往今年多病君後勿至病家授從乞藥答言我不主
治病授問致病之由答曰不善降殃而已登岸忽不
見

晉陵民劉餘之夜聞十餘人將物入其家餘之拔刀
出後戶見一黑色人大罵曰我湖長來詣汝而欲殺
我耶餘之卽奮刀亂砍砍得一大鼉及鯉

元嘉中太山巢氏先爲相縣令僑居晉陵家婢採薪
忽有一人隨婢還家不使人見與婢宴飲輒吹笛而

歌歌云閒夜寂已清長笛亮且鳴若欲知我者姓郭
字長生

延陵人有喪婦死已半月忽聞推棺聲其夫開視之
乃起坐言舅姑所召使之執爨其居甚閒潔但苦無
水一日見溝中水清因取漉饋姑怒曰我不知爾不
潔如此逐之使歸遂蘇後竟無恙

蘭陵蕭曠自洛東遊至孝義館夜憩於雙美亭時月
白風清曠援琴彈之夜半有二美人至一曰洛神一
曰織綃娘子命左右傳觴叙語繾綣未夕聞鷄鳴各

古今圖書集成
畱詩話別曠亦答之洛神出明珠翠羽二物織綃出
輕絹一疋贈曠曰若有賈人購之非萬金不可言訖
躡虛而去

茅山陳生善休糧服氣偶至延陵於傭作坊求人負
擔藥物歸山以價錢賤多不肯有一夫壯健然頗若
癡者疥瘡滿身前拜曰去得遂令挈囊從行既至願
畱採薪陳曰吾辟穀無飯與餐答曰但鬪草根食亦
可矣會山下有衣冠家妻患齒詣陳生覓藥未愈傭
者夜攜一小鍋扃門熾火陳生窺之見於葫蘆中瀉

水銀數合煎之攪如稀錫投一丸藥乃爲金矣撚兩
丸以紙裹置懷中餘作一金餅明日患齒者復至傭
者取一丸付之含之未半痛卽止陳生伺傭者出於
房內搜得書二卷傭者至大怒罵陳生陳生却還之
傭者曰某今去矣遂出門入水沐浴忽變爲美少年
跳入深澗中不知所之

毘陵村人韓文秀見鹿產一女子在地遂收養之及
長度爲女冠梁武帝爲別立一觀號曰鹿娘後死武
帝致祭聞棺中異香開棺視之不見骸骨蓋尸解也

古今圖書集成
葬於毘陵號爲真山

貞明中有太湖漁者於太湖上見一船光彩射人內
有道士三人飲酒各長髮眉目皆生於額上見漁者
俱舉袖掩面其舟無人撐隨風行甚疾望洞庭而去
吳中有一人於曲阿見塘上有一女子貌甚端正呼
之卽來便畱宿及解金鈴繫其臂至明日更求女却
無人忽過猪牢邊見母猪足上有金鈴

墨莊漫錄宣和二年睦寇方臘起浙西震恐士大夫
皆奔竄關注子東在錢塘避地攜家於無錫之梁溪

明年臘就擒徙者悉返子東以貧未能歸乃僑寓崇
安寺古柏院中一日夢臨水有軒主人延客可年五
十元衣美鬚髯儀觀甚偉揖坐使兩女子以銅柸酌
酒謂子東曰自來歌曲新聲先奏天曹然後散落人
間他日東南休兵有樂府曰太平樂汝先聽其聲因
使兩女子舞主人抵掌而爲之節及覺猶記其五拍
子東乃作詩記云元裳仙子從雙鬢緩節長歌一解
顏滿引銅柸效鯨吸低回紅袖作弓彎舞畱月殿春
風冷樂奏鈞天曉夢還行聽新聲太平樂先傳五拍

到人間後四年子東始歸杭州而先廬已焚於兵因寄家菩提寺復夢前紫髯翁腰一長笛手披書冊舉以示子東紙白如玉小朱闌界間行似譜而無其詞笑謂曰將有待也往時在梁溪曾按太平樂尚能記其聲否子東因爲歌之髯援腰間笛復作一弄亦能記其聲蓋是重頭小令已而遂覺其後又夢至一洞府謂是廣寒宮人教其掣鈴索則門開矣試之果有二仙子開門引入問上何人曰月姊也升堂再拜月姊因問子東往在梁溪曾令雙鬟歌舞傳太平樂又

遣紫髯翁吹新聲皆能記否子東曰悉記之因爲之歌月姊喜出一紙書示曰亦新詞也乃自歌之其聲宛轉似樂府昆明池子東欲強記之顧視手中紙化爲碧字漫滅矣遂揖而退既覺惟記一句云深沉杳隔無疑亦不知爲何等語也獨紫髯笛聲彷彿猶在遂倚其聲爲之詞名曰桂花明縹緲神清開洞府遇廣寒宮女問我雙鬟梁溪舞還記得當時否碧玉詞章教仙女爲按歌宮羽皓月滿窻人何處聲不斷瑤臺路子東自爲余言之

古今圖書集成
武進縣志高安劉鷺有妹曰烏頭生十七年而卒烏頭之姊嫁常州團練使孫金爲妾偶從金女會宴大將陳氏家見烏頭在側問其從來云爲人掠至岳州嫁得北來軍士任某從至此耳金通信於鷺鷺來毘陵省之相見悲泣容貌如故曰幸得二兄來証我是人向者姊幾呼爲鬼矣鷺密問汝實已死那得在此對曰兄萬勿爲此問我將不得相見鷺遂不敢言任卒後再適軍士羅某移隸江州顯德五年周陷淮南不知所在

辛祕五經擢第後就常州赴婚期道逢乞兒痴面蟻衣訪辛行止辛不答乞兒隨之俄有一綠衣者俱行忽前馬驟去辛怪之乞兒曰少頃自知及店則綠衣者卒矣辛驚禮乞兒遂語以娶約乞兒笑曰此非君妻君婚期尚遠臨別贈辛綾複袍帶有一結語辛異時有疑當發視也及至常竟不成婚後二十餘年始婚裴氏忽憶乞兒言解結視之得幅紙曰辛祕妻河東裴氏某月日生辛記別乞兒曰裴氏尚未生也宜興縣志元時碧雲寺有千僧內一僧矮而肥每食

古今圖書集成
已卽去久而怪之尾其去至羅漢山掘之得石佛失手碎其顱血飛至寺寺盡燬僧徒皆散

武進縣志毘陵呂琪于弘治甲寅春郊行遇一已故府隸出票示曰我身又充東嶽役卒今承批勾七十二人汝亦有名汝當往幹家事我往浙江一月卽至矣琪歸以告諸子曰有三願未畢某五喪未舉欲殯之一也某女二十未嫁二也某路未修三也亟命諸子畢此三事而後治後事以待死旣而數月無他除夕復遇前卒謂日向勾攝至途中忽有免牌云以汝

陽世有三善獨釋汝一人更加壽二十年琪果越二十年而卒

天啓間丁復初妻李氏病復初見牀第間有一人侍立以手挈之輕甚復初知爲鬼也急命取一甕提而入之以石壓甕口尚有聲下焚烈焰徐而聲止啓視之則存紙灰而已李病尋愈復初後享年近百齡沛郡人秦樹家在毘陵小辛村嘗自京歸未至二十里許天暗失道望火光投之宿見一女子秉燭出云女弱獨居不得宿樹曰欲進奈夜不得前乞寄外住

女然之樹既進坐竟以此女獨居慮其夫至不敢安
眠女曰無慮爲樹設食悉是陳物既而同寢向晨女
泣曰與君一覩後面無期以指環一雙贈之結置衣
帶中相送出門樹回顧乃是塚墓數日忘其指環帶
結如故

立以手摩之
天忽聞下
十平而卒

蜀州府三善縣縣人
一人更賦壽二十
字與果賦三

